



ATASSUT
Postboks 399
3900 Nuuk
Tlf: +299 32 33 66
+299 34 50 00
+299 34 62 53
Fax: +299 32 58 40
atassut@greenet.gl
www.atassut.gl

ATASSUT

Kristian Jeremiassen

24. Marts 2006

Inatsisartut suleriaasianni § 36. immikkoortoq 1 naapertorlugu naalackersuisunut apeqquteqarpunga.

Asasakka Jørgen Wæver Johansen – Aleqa Hammond-ilu

Qasigiannuani utoqqaat illussaat nutaaq naalackersuisut nutaamik isummerfiginiarpaat?

Aallaqqaasiutigalugu ukiut kingulliit Qasigiannugit Kommunea-ta akissaqartinnikkaa nutaamik utoqqaat illuliornissaq napparsimavimmuk atasumik ilisimavarput. Ukioq budget-eqarfiusoq 2006 eqqarsaatigalugu Qasigiannugit Kommunea-ni takuneqarsinnaavoq 10 mio Kr.-it sinnerlugit immikkoortitsisimangittoq utoqqaat illuliornissamut.

Titartarnerinut pilersaarutit piareeqqapput.

Aningaasalli Qasigiannugit Kommunea-ni immikkoortin-neqarsinnaanngillat aningaasaqarniarnerup ajornartorsiutigineqara pissutaalluni oqartoqarsinnaagaluarpoq utoqqaat illuliornissaq soqutigineqarpat aningaasat immikkoortinneqassasut.

Ilisimavarali Qasigiannugit Kommunea-ta utoqqaat illuliornissaq soqutigisarigaa akissaqartinnaguli aningaasat killeqarneri pissutigalugit.

Isumaqarpungali maannakkut toqqissisimanangittumik utoqqaat illoqartitsinerput qaangerneqartariaqartoq Namminersornerullutik Oqartussat Qasigiannugit Kommunea-lu suleqatigiillutik.

Taamaattumik apeqquteqarpunga:

1. Qasigiannuani inissiarsoq iluarsartuunneqarnissaanut suliariumannittussarsiuussisarnermi iluatsittarsimangittup akisuallaarnera pissutigalugu kingullermillu suliariumannittussarsiuussisarnermi iluatsissimangittup aningaasartai utoqqaat illuliornissamut nuunneqarsinnaap-pat?
2. Iluarsartuussinissamut aningaasat utoqqaat illuliornissamut atorlugit illuatungaani aamma Namminersornerullutik oqartussat utoqqaat illuliornissamut aningaasat immikkoortitaat ka-

tillugit tamaasa atorneqarsinnaappat? Aningaasaleeriaaseq 50-50 atunngikkaluarlugu inatsi-sartunut qinnutigalugu tamakkiisumik Namminersornerullutik Oqartussat aningaasalersuinnissaat.

3. Imaluunniit allaanerusumik aningaasalersuinissamik naalakkersuisuniit siunnersuuteqalersaarpisi?

Apeqqutigisakka akineqajaarsinnaappata nuannaarutigissavara.

Ukununngalu nassiutequllugu: krje@gh.gl aamma landstinget@gh.gl

Taamatut apeqquteqarlunga nassiussivunga.

Inussiarnersumik inuulluarit

Kristian Jeremiassen

Atassut